



Pou Piblikasyon Imedya: 19/07/2023

GOUVÈNÈ KATHY HOCHUL

GOUVÈNÈ HOCHUL ANONSE 29 MILYON DOLA POU ENFRASTRIKI RECHAJ VEYIKIL ELEKTRIK AK RABÈ

Eta New York atenn etap enpòtan 150,000 veyikil elektrik pasaje yo sou wout la

Sipòte objektif Lwa sou Lidèchip Klimatik ak Pwoteksyon Kominotè a pou diminye emisyon gaz a efè sè yo jiska 85 poustan disi 2050 ak egzijans Eta New York pou tout nouvo veyikil pasaje yo vann nan Eta New York se zewo emisyon disi 2035

Gouvènè Kathy Hochul te anonse jodi a 29 milyon dola pou enfrastrikti rechaj Nivo 2 veyikil elektrik nan kad Charge Ready NY 2.0 ak rabè konsomatè atravè Pwogram Rabè Drive Clean nan. Pwogram ankourajman ak rabè yo vle di plis Nouyòkè ka kondui veyikil elektrik pandan Eta New York te atenn yon etap enpòtan 150,000 veyikil elektrik (VE) sou wout yo nan mwa jen 2023. Anons sa a sipòte objektif Lwa sou Lidèchip Klimatik ak Pwoteksyon Kominotè (Climate Leadership and Community Protection Act, CLCPA) a pou diminye emisyon gaz a efè sè yo jiska 85 poustan disi 2050 ak egzijans Eta New York pou tout nouvo veyikil pasaje, kamyonèt ak veyikil itilitè espòtif (SUV) yo vann nan Eta New York se zewo emisyon disi 2035.

"Lidèchip nan klima ak transpò pwòp New York ap diminye polisyon nan lè a ak emisyon atravè envestisman ki baze sou solisyon nan enfrastrikti rechaj ak rabè yo," **Gouvènè Hochul te deklare.** "Founi yon lè pi pwòp nan kominote ki fè fas ak gwo trafik machin, sitou sa ki istorikman majinalize yo, se yon etap esansyèl pou amelyore kalite lavi eta a pandan l ap bati yon avni ki pi dirab pou rezidan yo, travayè yo ak vizitè yo".

Avèk anons jodi a, yo te ajoute 15 milyon dolanan [Charge Ready NY 2.0](#), pou sipòte enstalasyon chajè veyikil elektrik nan espas travay yo ak biling pou plizyè fanmi yo nan tout eta a, ansanm ak enstalasyon piblik ki sitiye nan [kominote ki defavorize yo](#). Pwogram sa a ka ede antite ki elijib yo ekonomize jiska 50 poustan sou depans enstalasyon pou chajè Nivo 2, ki apwopriye pou lokal kote yo pral estasyone yon machin pou kèk èdtan epi yo ka bay jiska 40 kilomèt distans elektrik pou chak èdtan chaje. Pwogram nan gen 12 milyon dola ki disponib pou enstalasyon estasyon rechaj yo nan espas travay ak biling plizyè fanmi ak yon ankourajman 2,000 dola pou chak pò, ak 2,500 dola pou chak pò nan yon [kominote ki defavorize](#). Enstalasyon piblik yo ki nan yon [kominote ki defavorize](#) elijib pou 4,000 dola pou chak pò. Anplis de sa, 3 milyon

dola yo dedye pou espas travay ak biling plizyè fanmi ki organize evènman edikatif kominotè "monte ak kondui", achte veykil elektrik, oswa ofri chaj gratis. Pwogram Charge Ready 2.0 a ap kontinye [aksepte nouvo ekipman ak aplikasyon pou elijibilite nan rezo](#) ki soti nan machann chajè EV jiskaske lajan pwogram lan fini.

Pou sipòte konsomatè k ap chèche opsyon pou kondui ki pi pwòp, yo te ajoute 14 milyon dola nan Rabè Drive Clean Eta a pou ede redwi depans alavans pou achte oswa lwe yon nouvo veykil elektrik (EV). Rabè nan pwen lavant lan varye ant 500 dola a 2,000 dola sou youn nan plis pase 60 modèl ki elijib kounye a atravè yon konsesyonè machin k ap patisce nan Eta New York.

Prezidan ak Direktè Egzekitif Jeneral Otorite Rechèch ak Developman Enèji Eta New York Ia, Doreen M. Harris, te deklare, "Adopsyon veykil elektrik ap akselere byen vit nan New York, epi amezi plis chofè ap fè chanjman an, deplwaman enfrastrikti rechaj pou reponn ak demann yo esansyèl. Sipò adisyonèl yo te anonce jodi a atravè Charge Ready NY 2.0 ak Rabè Drive Clean la pral non sèlman rann rechaj pratik yo pi aksesib, men tou pral ede diminye pri pou achte yon nouvo veykil -sa bay opòtinite konplemantè pou plis Nouyòkè rantre nan revolisyon veykil elektrik (EV) la".

Prezidan Komisyon Fonksyon Piblik Eta New York Ia, Rory M. Christian, te deklare, "Mwen bat bravo pou angajman Gouvènè Hochul paske li kreye yon sektè transpò ki pi pwòp. PSC rekonèt enpòtans elektrifikasyon sektè transpò a pou atenn objektif klimatik Eta New York yo. Pou fè avanse objektif sa yo, PSC te aplike politik pou ankouraje developman enfrastrikti ak pwogram rechaj veykil elektrik (EV) yo. Nou felisite Gouvènè Hochul pou sipò li kontinye bay pou veykil pwòp yo".

Senatè Eta Tim Kennedy te deklare, "Pou vrèman kreye yon New York ki pi dirab, ki nan avangad, ajanda transpò ak anviwònman eta nou an dwe alien. Envestisman sa a ranfòse enfrastrikti veykil elektrik nou yo ak aksè enèji pwòp epi fè avanse vizyon nou pou yon New York ki pi jis anvè anviwònman an".

Senatè Eta a Kevin Parker te deklare, "Elektrifye sistèm transpò nou yo ak sipòte katye yo avèk plis aksè nan veykil zewo emisyon ak enfrastrikti rechaj nan kè zafè pote plis machin pwòp nan kominate nou yo ak atenn objektif CLCPA New York yo. Envestisman sa a se yon bagay enpòtan, bese polisyon ak amelyore kalite lè a, sa ki benefisyé dirèkteman Nouyòkè yo nan kominate ki defavorize yo".

Manm Asanble William Magnarelli te deklare, "Sipòte enfrastrikti veykil elektrik se yon etap enpòtan nan rann veykil elektrik yo aksesib pou rezidan New York yo. Lè yo enstale chajè veykil elektrik nan plas piblik, eta a ap pote atansyon sou popilasyon k ap grandi k ap itilize veykil elektrik yo. Li pèmèt piblik la wè tou ki jan itilizasyon veykil elektrik kapab yon bagay ki askesib. New York pran angajman pou l'investi nan metod transpò ki pi pwòp, ki pi bon pou anviwònman an".

Manm Asanble Didi Barrett te deklare, "Mwen remèsyé Gouvènè Hochul pou envestisman li nan agrandi enfrastrikti rechaj Eta New York ak pwogram rabè veykil

elektrik yo. Kontrent pri ak 'enkyetid sou pòte' se vrè enkyetid pou anpil moun k ap konsidere chanje pou pase nan yon veyikil elektrik epi elaji enfrastrikti rechaj Nivo 2 nou an enpòtan anpil pou asire ke tout Nouyòkè yo gen kapasite pou fè tranzisyon nan opsyon transpò enèji pwòp".

Se Otorite Rechèch ak Developman Enèji Eta New York (New York State Energy Research and Development Authority, NYSERDA) ki administre Charge Ready NY 2.0 ak Drive Clean Rebate epi yo finanse atravè Inisyativ Rejyonal sou Gaz a Efè Sè ak Fon Enèji Pwòp 6 milya dola Eta a sou 10 ane. Gen plis enfòmasyon ki disponib sou [sit entènèt](#) NYSERDA.

Envestisman 1 milya dola Eta New York nan elektrifye sektè transpò li a enpòtan anpil pou satisfè plan klimatik ak enèji pwòp global Eta New York la. Diminye emisyon kabòn ak polisyon nan veyikil yo kreye lè pi pwòp ak kominote ki pi an sante, patikilyèman nan zòn defavorize yo. Yon seri inisyativ ogmante aksè nan veyikil elektrik epi amelyore transpò publik pwòp pou tout Nouyòkè ki enkli EV Make Ready (Prepare Veyikil Elektrik), EVolve NY, Drive Clean Rebate (Rabè pou Kondui yon Fason Ekolojik), New York Truck Voucher Incentive Program (Pwogram Koupon Motivasyon pou Kamyon New York) ak finansman federal nan kad Pwogram NEVI (Enfrastrikti Nasyonal Veyikil Elektrik) a.

Plan Klimatik Nasional Eta New York

Ajanda klimatik Eta New York la ki se lidè nan nasyon an fè apèl ak yon tranzisyon ki metodik epi ki jis ki kreye djòb ki soutni fanmi, ki kontinye ankouraje yon ekonomi vèt nan tout sektè epi asire ke omwen 35 poustan, avèk yon objektif 40 poustan, nan avantaj envestisman enèji pwòp yo ale nan kominote defavorize yo. Gide pa kèk nan inisyativ klimatik ak enèji pwòp ki pi agresif nan nasyon an, New York se sou yon chemen pou reyalize yon sektè elektrisite zewo emisyon disi 2040, ki gen ladan pwodisyon enèji renouvlab 70 poustan an 2030, ak netralite kabòn nan tout ekonomi an nan mitan syèk la. Yon poto mitan nan tranzisyon sa a se envestisman san presedan New York pou devlope enèji pwòp yo, ki enkli plis pase 35 milya dola nan 120 pwojè enèji renouvlab ak transmisyon ki fèt sou gran echèl nan eta a, 6.8 milya dola pou redui emisyon batiman yo, 3.3 milya pou devlope enèji solè, plis pase 1 milya dola pou inisyativ transpò pwòp ak plis pase 2 milya dola nan angajman NY Green Bank yo. Envestisman sa yo ak lòt sipòte plis pase 165,000 djòb nan sektè enèji pwòp New York la an 2021 ak yon kwasans plis pase 3,000 poustan nan sektè solè distribiye a depi 2011. Pou diminye emisyon gaz ki lakòz efè tèmik ak amelyore kalite lè a, New York te adopte tou règleman veyikil san emisyon, ki gen ladan egzije pou tout nouvo machin pasaje yo ak kamyon yo vann nan Eta a gen zewo emisyon disi 2035. Patenarya yo ap kontinye avanse aksyon klimatik New York la ak prèske 400 Kominote Entelijan pou Klima ki anrejistre ak 100 sètifye, prèske 500 Kominote Enèji Pwòp, ak pi gwo kominote inisyativ siveyans lè kominotè Eta a nan 10 kominote defavorize atravè eta a pou ede lite kont polisyon lè a ak konbat chanjman klimatik la.

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418